



Rewarding Learning

ADVANCED
General Certificate of Education
2023

Uimhir Lárionaid

--	--	--	--	--

Uimhir Iarrthóra

--	--	--	--	--

Forbairt Córas Bogearraí

Aonad A2 1

Cuir Chuige Córas agus
Coincheapa Bunachair Sonraí



[ADV11]

ADV11

DÉARDAOIN 1 MEITHEAMH, IARNÓIN

AM

2 uair an chloig.

TREOIR D'IARRTHÓIRÍ

Scríobh d'Uimhir Lárionaid agus d'Uimhir Iarrthóra sna spásanna chuige sin ag barr an leathanaigh seo.

Ní mór duit na ceisteanna a fhreagairt sna spásanna chuige sin.

Ná scríobh taobh amuigh den achar bhoscáilte ar gach leathanach ná ar leathanaigh bhána.

Comhlánaigh le dúch dubh amháin. **Ná scríobh le peann glóthaí.**

Freagair **gach ceann** de na **hocht** gceist.

EOLAS D'IARRTHÓIRÍ

Is é 100 an marc iomlán don pháipéar seo.

Léiríonn figiúirí atá priontáilte ar thaobh na láimhe deise de leathanaigh na marcanna atá ag dul do gach ceist nó do gach cuid de cheist.

Measúnófar caighdeán na cumarsáide scríofa i gceisteanna **3**, **5(e)** agus **6(b)**.

13983.18R



24ADV1101

1 Tá Tomás, anailísí córas faoi oiliúint ag Comhairleoireacht na Réiteach Bogearraí (CRB), i ndiaidh tús a chur leis an phróiseas le scéalta úsáideoirí a bhailiú, agus agallaimh curtha aige ar an fhoireann sa tsiopa bronntanas.

(a) Críochnaigh dhá scéal breise úsáideoirí don tsiopa bronntanas ag úsáid na dteimpléad thíos.

[4]

Mar bhainisteoir siopa

Tá mé ag iarraidh praghsanna cruinne a bheith agam ar an stoc

Ionas gur féidir liom a rá le custaiméirí cá mhéad a chosnaíonn earra i ndáiríre

Mar bhainisteoir siopa

Tá mé ag iarraidh

Ionas

Mar úinéir an ghnólachta

Tá mé ag iarraidh amharc ar anailís ar dhíolacháin

Ionas gur féidir liom cinntí a dhéanamh ar phraghsáil

Mar úinéir an ghnólachta

Tá mé ag iarraidh

Ionas



(b) Thug Sinéad, an t-anailísí sinsearach ag CRB, faoi deara go bhfuil a lán saincheisteanna ann nár sonraíodh mar is ceart maidir leis an tsiopa bronntanas. Bainfidh sí úsáid as teicnící ar leith aimsithe fíricí le faisnéis a bhailiú.

Comhlánaigh an tábla thíos:

Teicníc	Faisnéis atá de dhíth
	An dóigh a ndearnadh an próiseas stocáirimh ar an Luan 19 Meán Fómhair 2022 agus cad é a taifeadadh.
	An dóigh a mbailítear riachtanais stoic plandlainne.
	Na mionsonraí cruinne a taifeadadh ar fhoirmeacha ordaithe don Mháirt 13 Meán Fómhair 2022.
	Cad é a shíleann custaiméirí den tseirbhís sa tsiopa bronntanas.

[4]

[Tiontaigh an leathanach

13983.18R



24ADV1103

2 Ba mhaith leis an fhoireann forbartha ag CRB Harry a chur ar an eolas faoi mhodheolaíochtaí féideartha a d'fhéadfaí a úsáid sa phróiseas forbartha.

Comhlánaigh na paragraif thíos trí na focail nó fráasaí cearta a roghnú ón rogha atá curtha ar fáil. Is féidir focail agus fráasaí a úsáid níos mó ná uair amháin.

Agile	custaiméir	siopa bronnantas	céimeanna	tástáil
Anne	forbróir	Harry	tionscadal	Tástáil
buiséad	doiciméadacht	incriminteach	RAD	Traidisiúnta
caifé	DSDM	comhtháite	righin	úsáideoir
iomlán	solúbthacht	atriall	SCRUM	bogearraí oibre
costas	garraíodóireacht	atriallach	seicheamhach	XP

Déantar modheolaíochtaí _____ ar dhóigh _____ agus _____.

Cuirtear béim shuntasach ar ról an _____ i bhforbairt córais.

I measc samplaí den chineál modheolaíochta seo, tá _____, _____ agus _____.

Cuireann na modhanna seo _____ chun tosaigh seachas _____.

I modhanna _____, déantar gnéithe iomlána a fhorbairt taobh istigh de gach _____. Tarlaíonn _____ ar fud an phróisis forbartha.

Bíonn cuir chuige _____ i leith forbairt córais _____ agus _____ maidir le cad é mar a shreabhann an próiseas.

Tá rannpháirtíocht theoranta _____ ann. Déantar _____ i ndeireadh na saolré. De ghnáth, déantar _____ a sheachadadh go mall sa tsaolré.


[9]



- 4 D'iarr Ben, an bainisteoir tionscadail, ar Harry liosta a dhéanamh de na céimeanna tipiciúla atá i gceist i bpróiseas meastacháin a chur ar fáil ar obair chonartha, mar aon leis na huaireanta a rinneadh agus aon réamhtheachtaithe. Tá na céimeanna tugtha sa tábla tosaíochta a thaispeántar thíos.

CA	Tasc	Fad (uaireanta an chloig)	Réamhtheachtaithe
A	Iarratas custaiméara a thaifeadadh	0.5	-
B	Cuairt ar láithreán a eagrú	0.5	A
C	Cuairt ar láithreán a dhéanamh	2	B
D	Na tascanna atá i gceist a shainaithint	3	B
E	Ábhair a mhiondealú agus a chostáil	3	C, D
F	Sceideal oibre a chruthú	2	D
G	Meastachán a chruthú	2	E, F
H	Aontú ar mheastachán	0.5	G
I	Conradh a chruthú	2	H
J	Baill foirne a shannadh	0.5	I

Táirgeadh an chairt GANTT seo a leanas ón tábla:



13983.18R



24ADV1106

(a) Míneigh an tábhacht atá le tasc H.

[2]


(b) Cuir síos ar fhadhb amháin a bhaineann le cairt GANTT a úsáid leis na próisis a bhfuil breac-chuntas orthu sa tábla tosaíochta a sceidealú.

[2]

[Tiontaigh an leathanach



(c) Úsáid na tascanna ón tábla tosaíochta leis an chairt PERT thíos a chomhlánú.



[9]



(d) Sainathin an rébhealach.

_____ [1]

(e) Cad é an tionchar má dhéantar laghdú 1 uair an chloig ar fhad ghníomhaíocht F?

_____ [1]


[Tiontaigh an leathanach

13983.18R



24ADV1109

5 Tá obair tosaithe ar fhorbairt na gné ar líne den ghnólacht. Tá tacar de léaráidí aicme déanta ag an anailísí shóisearach ionas gur féidir le Sinéad é a scrúdú, mar a thaispeántar thíos.



(a) Sainithin agus mínigh an cineál gaoil atá lipéadaithe **A** agus **B**.

[2]



(b) Mhol Sinéad gur chóir aitreabúidí na haicme User a chosaint.
Sainmhínigh gach ceann de na haitreabúidí seo mar cinn atá cosanta.

[2]

(c) Míníonn Sinéad go gciallaíonn gaol ilchodach idir dhá léaráid aicme nach dtig le haicme amháin a bheith ann gan an ceann eile. Ag úsáid na litreacha atá curtha ar fáil, sainithin gaol ilchodach amháin ó na léaráidí aicme atá curtha ar fáil.

[1]

(d) (i) Mínígh an téarma iolracht.

[2]

(ii) Cad é mar a chuirtear iolracht i bhfeidhm ar an ghaol atá lipéadaithe **C**?

[2]

[Tiontaigh an leathanach





LEATHANACH BÁN

NÁ SCRÍOBH AR AN LEATHANACH SEO

(Leanann ceisteanna ar an chéad leathanach eile)

[Tiontaigh an leathanach

13983.18R



24ADV1113

6 Is ríomhchláraitheoir é Liam ag CRB agus tá sé ag forbairt cásanna tástála a shainaithníonn cé acu atá lascaí cearta á gcur i bhfeidhm d'obair tírdhreachaithe agus chothabháil na ngairdíní nó nach bhfuil.

(a) Trí thagairt a dhéanamh **d'Fhíor 1: Táillí Phlandlann Thompson** den chás-staidéar, comhlánaigh an tábla páirteach tástála thíos. Is féidir figiúirí samplacha a úsáid do chostais iomlána chonartha, nuair is gá.

Sonraí Tástála	Fáth le Sonraí Tástála	Toradh Ionchais
Cineál Jab: Jab Aonuaire Costas: 501	Seiceáil gur cuireadh éarlais 10% i bhfeidhm	Éarlais 10% curtha i bhfeidhm
	Seiceáil nár cuireadh éarlais ar bith i bhfeidhm	Níor cuireadh éarlais ar bith i bhfeidhm
Cineál Jab: Conradh Cineál Custaiméara: Príobháideach Costas Iomlán an Chonartha: 2500 Fad ama (míonna): 1	Seiceáil bratach don éarlais atá de dhíth Seiceáil go bhfuil éarlais 5% curtha i bhfeidhm Seiceáil nár cuireadh lascaíne ar bith i bhfeidhm	
Cineál Jab: Conradh Cineál Custaiméara: Príobháideach Costas Iomlán an Chonartha: 2500 Fad ama (míonna): 6		
	Seiceáil bratach don éarlais atá de dhíth Seiceáil go bhfuil éarlais 5% curtha i bhfeidhm Seiceáil nár cuireadh lascaíne ar bith i bhfeidhm	Bratach curtha leis an chustaiméir d'éarlais 5% Éarlais 5% curtha i bhfeidhm Níor cuireadh lascaíne ar bith i bhfeidhm
	Seiceáil bratach don éarlais atá de dhíth Seiceáil go bhfuil éarlais 5% curtha i bhfeidhm Seiceáil go bhfuil lascaíne 8% curtha i bhfeidhm	Bratach curtha leis an chustaiméir d'éarlais 5% Éarlais 5% curtha i bhfeidhm Lascaíne 8% curtha i bhfeidhm

[6]



- 7 Tá Séamus, forbróir bogearraí ag CRB, ag baint úsáid as an doiciméad shamplach meastacháin thíos le bheith ag obair tríd an phróiseas normalaithe don chóras nua bunachair sonraí ag Plandlann Thompson.

Plandlann Thompson		Uimh. Mheastacháin:	TL198
		Dáta Tosaigh:	23/03/22
		Fad ama (Laethanta):	2
Meastachán ar Thírdhreachú (Custaiméir Príobháideach)			
Uimh. Custaiméara:	194	Foireann a Sannadh	
Ainm:	Ann Mackie	CA	Ainm
Seoladh:	27, Páirc an Droichid, Bóthar an Bhaile Nua Uachtarach BT12 3QW	12 15 17	Simon Quinn Sally McDade Jane Gray
Uimh. Ghutháin:	0799999999		
Ríomhphost:	am123@gmail.com		

Sonraí Job						
CA an Jab	Cur síos	CA an Ábhair	Cur síos ar an Ábhar	MÉID (QTY)	Costas Aonaid (£)	Iomlán (£)
TLPS	Leaca pábhála a dheisiú	PV45 PSLB PSSB	Leaca Pábhála den Ghaineamhchloch 450 × 450 mm	14	4.78	130.52
			Gaineamh Pábhála Triomaithe san Áith (mór)	4	5.15	
			MOT Cineál 1 Fo-bhonn, Bulcmhála	1	43.00	
TLBP	Imeall an chosáin a phlandú	SWG SHO SAF	Crann Bosca, Seoid an Gheimhridh	20	24.99	639.7
			Hosta	10	7.99	
			Raithneach Fómhair	10	6.00	
Iomlán (£):						770.22
Saothar (£):						600.00
CBL (£):						274.04
Táille Iomlán Cust. (£):						1644.26

Shainnithin sé na grúpaí athráite (iolrach agus neadaithe) agus bhain sé na réimsí neamhnormalaithe as, mar a thaispeántar thíos, atá de dhíth leis an phróiseas normalaithe a thosú.

QuotationNo, StartDate, Duration, CustNo, CustFName, CustSName, CustAdd1, CustAdd2, CustPostCode, CustTel, CustEmail, {StaffID, StaffFName, StaffSName}, {JobID, JobDesc, {MatID, MatDesc, Qty, UnitCost}}, Labour

13983.18R



24ADV1116

- 8 Chomh maith leis sin, tá Séamus ag obair ar struchtúr an bhunachair sonraí le horduithe agus stoc a bhainistiú.

Taispeánann an léaráid thíos bunachar sonraí neamhiomlán do stoc:

CUSTOMER		SALEAREA		STOCK	
Réimse	Cineál Sonraí	Réimse	Cineál Sonraí	Réimse	Cineál Sonraí
CustID	int	SaleAreaID	int	StockID	int
CustForename	varchar(20)	SaleAreaDesc	varchar(20)	StockDescription	varchar(20)
CustSurname	varchar(20)			CostPrice	decimal(5,2)
CustDOB	date			SalePrice	decimal(5,2)
CustAddress1	varchar(30)			QtyInStock	int
CustAddress2	varchar(30)			ReorderLevel	int
CustPostCode	varchar(7)			SaleAreaID	int
CustPhoneNo	varchar(11)			SupplierID	int
RegistrationDate	date				

SUPPLIERSTOCKORDER		SUPPLIER		CUSTOMERORDER	
Réimse	Cineál Sonraí	Réimse	Cineál Sonraí	Réimse	Cineál Sonraí
SupStockOrderID	int	SupplierID	int	OrderID	int
SupplierID	int	SupplierName	varchar(20)	CustID	int
SupStockOrderDate	date	SupplierPhoneNo	varchar(11)	OrderDate	date
EstDeliveryDate	date				
DeliveredYN	char				

CUSTORDERDETAILS		SUPSTOCKORDDetails	
Réimse	Cineál Sonraí	Réimse	Cineál Sonraí
OrderID	int	SupStockOrderID	int
StockID	int	StockID	int
Qty	int	Qty	int



NÁ SCRÍOBH AR AN LEATHANACH SEO

Don Scrúdaitheoir amháin	
Uimhir Ceiste	Marcanna
1	
2	
3	
4	
5	
6	
7	
8	

Marc Iomlán	
--------------------	--

Uimhir Scrúdaitheora

Cuireadh isteach ar chead chun an t-ábhar cóipchirt uile a atáirgeadh.

I gcásanna áirithe is féidir nár éirigh le CCEA teagmháil a dhéanamh le húinéirí cóipchirt agus beidh sé sásta na hadmhálacha sin a fágadh ar lár a chur ina gceart amach anseo ach é a chur ar an eolas.

13983.18R/1



24ADV1124



Rewarding Learning

ADVANCED
General Certificate of Education
2023

Forbairt Córas Bogearraí

Aonad A2 1

Cás-Staidéar ar Chuir Chuige Córas agus
Coincheapa Bunachair Sonraí

[ADV11]

DÉARDAOIN 1 MEITHEAMH, IARNÓIN

Cóip don Scrúdú

Treoir d'Iarrthóirí:

Tá an scrúdú A2 1 ar Chuir Chuige Córas agus Coincheapa Bunachair Sonraí bunaithe ar an Chás-staidéar réamheisiúna seo.

Ní mór duit an chóip ghlan **seo** den ábhar réamheisiúna a úsáid sa scrúdú agus **ní** do chóip anótáilte féin.

PLANDLANN THOMPSON

Tá forbairt shuntasach déanta ag Plandlann Thompson ó ghlac Harry Thompson seilbh uirthi dhá bhliain ó shin. Bhíodh an phlandlann a bhí ann roimhe dírithe go hiomlán ar phlandaí, ar thoir, ar chrainn agus ar fháil a dhíol, chomh maith le réimse iontach bunúsach d'earraí gairneoireachta a bhaineann leo sin.

Tá Plandlann Thompson suite ar roinnt acraí de thalamh curaíochta ar thosaigh Harry a fhorbairt agus a phlandú. Tá siopa ar an tsuíomh agus déantar gnó uilig na plandlainne ansin. I ndiaidh bliain i mbun gnó, bronnadh cead pleanála ar Harry leis an áitreabh a bhí ann roimhe a athchóiriú agus síneadh a chur leis. Tá siopa brontanas anois ann ina bhfuil réimse measartha maith stoic agus caifé beag atá beagnach réidh le hoscailt.

Ó ghlac Harry seilbh ar an ghnólacht, tá réimse níos leithne de phlandaí, de shíolta, de ghlasraí, de phlandaí ceapaí, de thoir agus de chrainn ar fáil ann. Foireann de sheisear garraíodóirí lánaimseartha a chuireann agus a thugann aire dóibh seo ar fud an tsuímh.

Faoi láthair, tá Harry i mbun an phróisis le gné mhórdhíola agus díolacháin ar líne a fhorbairt don ghnólacht fosta.

Tá roinnt conarthaí faoi choinne stoc a sholáthar d'ionaid mhiondíola socraithe aige cheana féin. Tá sé seo i ndiaidh gné eile ar fad a chur leis an ghnólacht agus tá roinnt fadhbanna riaracháin nach raibh sé ag súil leo cruthaithe mar gheall orthu, go háirithe maidir le stoc a ordú.

Chomh maith leis sin, cuireann Plandlann Thompson seirbhísí tírdhreachaithe agus cothabhála gairdín ar fáil don phobal agus do chomhlachtaí áitiúla. Bíonn an-éileamh ar na seirbhísí seo, agus tá sé thar a bheith deacair tuar a dhéanamh ar an leithdháileadh foirne atá de dhíth le tacú leo. Chomh maith leis sin, tá éilimh mhéadaithe ar an fhoireann mar gheall ar sholáthar agus ar dháileadh mórdhíola.

Tá cúigear ball foirne garraíodóireachta breise páirtaimseartha agus rúnaí, Ellen Holmes, fostaithe ag Harry ar na mallaibh. Tá Ted Hughes ceaptha aige fosta, mar phríomhgharraíodóir, le cuidiú leis an fhoireann garraíodóireachta a bhainistiú. Is maith le Harry gach rud a dhéanamh é féin agus áitíonn sé go gcaithfidh Ted gach cinneadh a chomhaontú leis. Bíonn fadhbanna ann mar gheall air seo mar is annamh a bhíonn Harry ar fáil agus ní féidir moilleanna a sheachaint.

Creideann Harry go bhfuil sé ábalta maidir le cúrsaí ríomhaireachta agus creideann sé go dtig leis an taobh sin den fhiontar a láimhseáil leis féin. Nuair a ghlac seisean seilbh, chuir sé córas bunúsach díolphointe isteach, cé nár ghlac sé comhairle cheart maidir leis an tsuiteáil seo. Ar an drochuair, cheannaigh sé córas 'buiséid' a suiteáladh gan mórán airde nó gan aird ar bith a thabhairt ar na fíor-riachtanais atá ar ghnólacht atá ag forbairt. Ní dhearna Harry fiosrúchán iomlán ar an réimse leathan roghanna atá ar fáil. Mar gheall ar an eolas teoranta a bhí aige, níor smaoinigh sé go hiomlán ar shlándáil, ar na táillí atá i gceist, ar inscálaitheacht, ar an tuairisciú cheart agus ar an tacaíocht ba dhócha a bheadh de dhíth air. Tá sé ag teacht ar an tuiscint ina ainneoin féin nach bhfuil an ghnólacht á reáchtáil chomh héifeachtúil agus a d'fhéadfadh sé.

Tá contúirt ann go mbeidh Harry ag dul ar aghaidh róghasta lena chuid smaointe. Mheas sé a chaiteachas faoina luach agus tá airgead faighte ar iasacht aige ón bhanc cheana féin lena fhorbairt nua plandaithe a mhaoiniú. Seachas costas an stoic atá i gceist, níor chuir sé san áireamh go leor, costas an tsaothair a bheadh i gceist leis an phlandú agus le cothabháil leanúnach an tsuímh. Tá brú mór á chur ar shreabhadh airgid mar gheall ar chostais bhreise foirne a bhaineann le gach gné den ghnó.

Tírdhreachú agus Cothabháil Gairdín

Tugann Harry faoi jabanna i gcónaí nuair a thagann siad chuige. Leis seo a dhéanamh, bogann sé baill foirne ó limistéir eile leis an obair a chlúdach. Déanann sé an jab a phraghsáil agus cruthaíonn meastachán custaiméara. Má aontaítear ar an phraghas, déanann sé socruithe maidir le cá huair is féidir an jab a dhéanamh. In amanna, ní smaoiníonn sé go leor ar na hábhair agus ar an stoc atá de dhíth le jab a dheanamh. Is minic a shonraíonn sé an t-am is dócha a thógfaidh jab go mícheart agus ní chuireann sé riosca ar bith san áireamh riamh amhail foireann nó stoc gan a bheith ar fáil. Is cur chuige neamhréalaíoch é seo agus cuireann sé isteach ar go leor custaiméirí. Ní bhíonn a fhios ag baill foirne in am ar bith cá háit a gcuirfear iad don chéad jab eile. Tá a fhios aige go gcaithfidh sé dóigh eile a aimsiú lena chuid foirne a sceidealú mar is ceart.

Tá neart custaiméirí príobháideacha bailithe ag Harry atá ag iarraidh go dtabharfaí aire dá ngairdíní ar bhonn rialta. Tá conarthaí bunúsacha leagtha amach aige do na custaiméirí seo. Chomh maith leis sin, tá conarthaí socraithe aige le roinnt comhlachtaí agus eagraíochtaí áitiúla, lena gcuid tailte a chothabháil i rith na bliana.

Jabanna aon uaire nó comhaontuithe rialta conartha a bhíonn i gceist le tírdhreachú agus le seirbhísí cothabhála gairdín. Íocann custaiméirí éarlais 10% as jabanna aon uaire tírdhreachaithe agus cothabhála gairdín má tá an costas iomlán níos mó ná £500. Bíonn an fuilleach neamhíochta le híoc nuair a chríochnaítear an obair.

De rogha air sin, tá conarthaí leagtha amach do thréimhsí sainiúla ama. Do chustaiméirí príobháideacha, is féidir leo seo a bheith ar feadh mí amháin, ar feadh trí mhí (go háirithe míonna an tsamhraidh) nó ar feadh sé mhí (míonna an earraigh agus an tsamhraidh). Ó am go ham, beidh custaiméir ag iarraidh go ndéanfaí cothabháil ar a ghairdín ar chonradh bliana. Conarthaí do chomhlachtaí agus d'eagraíochtaí, bíonn siad ar feadh trí mhí, sé mhí, dhá mhí dhéag nó tréimhse dhá bhliain.

Ní mór do gach custaiméir conartha éarlais tosaigh de 5% de chostas iomlán an chonartha a íoc. Tairgeann Harry dreasachtaí lascaine conartha mar a thaispeántar sa tábla Táillí Phlandlann Thompson thíos:

Fíor 1: Táillí Phlandlann Thompson

JAB AON UAIRE	Costas	≤ £500	> £500			
	Éarlais	0%	10%			
CUSTAIMÉIRÍ CONARTHA						
Príobháideach	Éarlais 5%	Líon na míonna				
		1	3	6	12	
	lascaine	0%	2%	5%	8%	
Comhlacht/ Eagraíocht	Éarlais 5%	Líon na míonna				
			3 mhí	6 mhí	12 mhí	24 mí
	lascaine		0%	5%	8%	10%

Íocann custaiméirí conartha ar dhóigheanna éagsúla lena n-áirítear íocaíochtaí bliantúla, míosúla nó seachtainiúla (custaiméirí príobháideacha den chuid is mó). Custaiméirí atá ag iarraidh conarthaí a athnuachan nó a chríochnú, ní mór dóibh fógra ceithre seachtaine ar a laghad a thabhairt.

Tá bun maith ag teacht ar na seirbhísí tírdhreachaithe agus cothabhála gairdín, ach tá an riarachán atá i gceist millteanach mór. Cionn is nach bhfuil córas ceart ag Harry leis na seirbhísí seo a bhainistiú, tá rudaí ag dul ó smacht air. Tá a chóras sceidealaithe ina chóir thuathail agus is minic a bhíonn áirithintí dúbailte ann agus nach mbíonn jabanna ag tosú in am mar gheall orthu. In amanna, bogfaidh Harry a chuid foirne ó jab amháin le ceann eile a thosú ionas go mbeidh an chosúlacht air go bhfuil sé ar sprioc. Ar ndóigh, cuireann seo isteach ar an chéad chustaiméir cionn is go bhfágfar obair gan chríochnú agus cuirtear an scála ama comhaontaithe as a riocht. Is gnách anois go gcaithfidh custaiméirí fanacht le meastacháin cionn is go bhfuil Harry chomh gnóthach sin.

Déanann Harry gach jab a thaifeadadh i ndialann. Nótálann sé an dáta a bhfuil an jab le tosú air, sonraí an chustaiméara agus an costas agus an éarlais mar aon le rud ar bith eile a mheasann sé a bheith ábhartha. Déanann sé meancóga an t-am ar fad: in amanna, taifeadann sé an dáta ar iarradh an tseirbhís in áit an dáta ar a bhfuil tús le cur uirthi; nó ní nótálann sé an costas ceart cionn is go gcaithfidh sé dul amach chuig an chustaiméir lena fheiceáil ar dtús cad é atá i gceist. Tá sé seo ag éirí níos deacra de réir mar a fhásann líon na gcustaiméirí. Tá súil aige go mbeidh Ellen in ann cuid den pháipéarachas a fhuascailt.

Siopa bronntanas

Tá an siopa bronntanas á bhainistiú ag Linda Dobson agus Anne White. Bíonn an-tóir ag an phobal air, ach bíonn Linda agus Anne faoi bhrú mór leis an obair. Ag buaicuireanta, fostaíonn Harry roinnt cúntóirí sealadacha, ach níl ord ná eagar air seo agus má tharlaíonn sé nach bhfuil ceachtar den bheirt bhall foirne ábalta teacht ar obair, bíonn fadhbanna móra ann. Ar na mallaibh, bhí ar Harry dul ar obair sa tsiopa le cuidiú cionn is go raibh Linda agus Anne ag streachailt. Anois, tá cuid den iliomad fadhbanna atá ann feicthe aige lena shúile cinn féin. Nuair a osclóidh an caifé, d'fhéadfadh seo a bheith níos trioblóidí fós.

Cé go ndéantar díolacháin a thaifeadadh ar an chóras sa tsiopa d'earraí bronntanais agus do ghnáthdhíolacháin plandaí ón phlandlann, níl aon ghné cheart rialaithe stoic ann sa chóras reatha. Ní bhíonn aon rabhadh ann nuair a bhíonn leibhéal an stoic íseal, agus thig le rudaí a bheith dofhaighte go hiontach gasta. Ní dhéantar aon anailís ar dhíolacháin ar chor ar bith. Ní bhíonn an fhoireann ábalta a rá le custaiméirí go díreach cad é an stoc atá ar fáil. Ní mór nuashonrú ar phraghsanna ar an chóras díolphointe a dhéanamh go seachtrach, rud a thógann suas le dhá lá.

Gach Luan, déantar seiceáil stoic de láimh sa tsiopa agus cuirtear earraí ar fhoirmeacha ordaithe ionas go dtig le Harry iad a cheadú. Déantar an próiseas seiceála stoic céanna seo sna gairdíní plandlainne agus insíonn na garraíodóirí d'fhoireann an tsiopa cad é is gá a ordú. Déantar na hiarratais seo a chur in iúl dóibh ó bhéal agus mura ndéantar iad a scríobh láithreach is mór an chontúirt go ndéanfaidh Linda agus Anne dearmad orthu, agus nach ndéanfar na hearraí a ordú.

Nuair a fhaightear earraí a ordaíodh, déantar iad a thiceáil de réir na n-orduithe a rinneadh agus ba chóir nóta a dhéanamh d'aon difríochtaí. Tá Linda agus Anne in ainm aon fhadhbanna a thaifeadadh i leabhar nótaí a choinnítear in aice leis an scipéad. In amanna, ní tharlaíonn sin cionn is go bhfuil siad gnóthach, agus mar gheall air sin, is féidir easnaimh sa stoc a bheith neamhthaifeadta, arbh fhéidir íoc astu de thaisme. Ag amanna eile, ós rud é go bhfuil aithne ag Linda agus Anne ar chuid de na soláthraithe, cuirfidh siad scairt ghutháin leis an fhadhb a nótaíl. Agus sin ráite, ní dhéantar aon pháipéarachas le hiniúchadh a dhéanamh ar na tarlúintí seo agus, le níos mó agus níos mó stoic ann, tá fadhbanna ag dul in olcas.

Aithníonn Harry go bhfuil contúirt ann go n-ordóidh sé barraíocht stoic nó nach n-ordóidh sé go leor stoic i ngach limistéar dá ghnó.

Mórdhíol

Ní bhíonn Harry ach ag déileáil le taobh an mhórdhíola den ghnó. Níl aon ghnásanna cearta aige agus is é an deireadh atá air sin go bhfuil cur chuige measartha míshlachtmhar aige maidir le horduithe agus billeáil. Níl aon phróiseas foirmiúil ordaithe ann le hordú ó mhiondíoltóirí. Nuair a chuir sé tús le gné an mhórdhíola den ghnó an chéad uair, ní raibh aige ach dhá mhiondíoltóir agus ní raibh fadhb ar bith ann. D'aontaigh sé ar phraghsanna ó bhéal leo agus sholáthair sé na hearraí dá réir. Bhí sé seo inghlactha ag an tús ach ós rud é go bhfuil thart ar thríocha míondíoltóir le soláthar anois aige, tá cúrsaí i ndiaidh dul ó smacht.

Glacann Harry le horduithe thar an ghuthán nó nuair a bhuaileann duine éigin isteach sa phlandlann. Scríobhann sé na riachtanais nó is féidir go ndéanfaidh sé nóta ar a ghuthán. Tá ordú agus sonrascadh ag tosú a bheith ina bhfadhbanna ollmhóra. Is féidir dearmad a dhéanamh ar orduithe ó mhiondíoltóirí nó is féidir iad a thairféadadh go mícheart. Fuair sé a lán gearán le mí anuas. Ag pointe amháin, ní raibh sé ábalta réimse leathan go leor de phlandaí ceapaí a chur ar fáil do mhiondíoltóirí. Bhí seo mar gheall ar dhrochphleanáil i leith an sceidil plandaithe a bhí aige agus, chomh maith leis sin, nár chuir sé go leor ball foirne ar fáil don ghnólacht agus í ag fás.

Tátal

Mhol cuntasóir Harry dó dul níos fadálaí agus roinnt comhairle ghairmiúil a ghlacadh maidir le córais chearta TF a shuiteáil. Chuir sé ar a shúile do Harry nach bhfuil sé ag déanamh stoc ar bith a bhainistiú mar is ceart ar chor ar bith. Cuimsíonn seo stoc don phlandlann, don tsiopa, d'uirlisí garraíodóireachta, ábhair don tírdhreachú agus don chothabháil agus a sholáthairtí gairneoireachta ar fad eile. Agus an caifé ag oscailt is dócha go dtarlóidh níos mó fadhbanna.

Tá na fadhbanna pléite ag Harry lena chuntasóir agus lena fhoireann shinsearach. Tuigeann sé gur gá dó réitigh chearta ríomhaireachta don ghnólacht a fhiosrú go práinneach. Bhuail sé le hionadaithe ó Chomhairleoireacht na Réiteach Bogearraí (CRB). Tá siad ag dul a dhéanamh athbhreithniú ar an ghnólacht ar fad agus déanfaidh siad moltaí maidir le ríomhchóras nua a chur i bhfeidhm.

Cuireadh isteach ar chead chun an t-ábhar cóipchirt uile a atáirgeadh.
I gcásanna áirithe is féidir nár éirigh le CCEA teagmháil a dhéanamh le húinéirí cóipchirt agus beidh sé sásta na hadmhálacha sin a fágadh ar lár a chur ina gceart amach anseo ach é a chur ar an eolas.